



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De multiplici fructi eius, in conuersione hominum. XIV.

[urn:nbn:de:hbz:466:1-45790](#)

sit, quicquid vanitatis & contagionis ex prædicta scientia olim cōtraxit, siue ioculariter siue seriosè aliquid egit vel dixit, hæc cuncta dignis pœnitentiæ fructibus ad Deum plenè conuersus diluit & purgauit. In cuius rei testimonium, quadā ægritudine tactus, coram sacerdote omnibus illicitis artibus renunciauit, & codices vanitatis igni tradidit exurendos.

6. Agnoscatur in his omnibus diuinæ pietatis sinus immensus, qualiter omnipotens Deus, quodam finit grauioribus peccatis & diuturnis erroribus implicari, & tandem ampliori miseratione apparente ex occulto, renouat perditos ad vitam, ac lapsos suscitat ad pœnitentiam; donans nō solum de præteritis criminibus veniam, sed etiam perfectè conuersis, & bene proficere nitentibus, cumulum maioris gratiæ; & quod diabolus investigauit ad confusionis pœnam, Deus nouit ordinare ad altioris gloriæ coronam promerendam. Si enim gaudium nascitur angelis, super uno peccatore pœnitentiā agente; quam ingens gaudium factum est de eo, qui non solum de propriis malis pœnituit, sed tam multos etiam peccatores ad pœnitentiam, verbo & exemplo suo conuerit, atque magnam turbam fidelium ad cælestia regna trahere laborauit?

C A P V T X I V .

De multipli fructu eius, in conuersione hominum.

I. **Q**uoniam quidē omnis arbor, Christo attestante, ex fructu cognoscitur: pandendum nunc est, quales ac quantos pietatis fructus hæc arbor protulerit in tam breui tempore, quo predicauit. Tribus autem præcipue arboribus, hunc memorabilem virum & doctum magistrum, dignum duxi comparandum; videlicet oliuæ fertilis, cedro sublimi, & palmæ florenti. Ipse enim tanquam lignum fructiferum, secus decursus aquarū plantatus extitit, qui in tempore suo fructus optimos Deo reddidit; quia plenus fluentis scripturarum, veniam Domini sabaoth vertit irrigauit; vnde botri deuotionis, cum viriditate boni operis excruerunt, ad laudē Domini nostri saluatoris. Non fuit iste homo Dei arbor sterilis, nec silvestris velut quercus defluentibus folijs: sed reuera fertilis, vt oliua speciosa in cäpis; sicut cedrus nobilis, exaltata in Libano; & tanquam palma decora, in monte Sion. Præstítit enim ei misericors Deus gratiam magnâ, quam non in vacuū recepit, sed ad usum boni operis exercuit; vt fieret omnibus exemplum virtutis, qui prius fuerat multis causa erroris & comes vanitatis. Et factus est tanto humilior & feruentior ad bonum, quanto grauius se nouerat errasse in malo,

Quam-



Quamobrem spiritu Dei innouatus & accessus operibus misericordiae diligentius insistebat; magno compassionis affectu proximis succurrendo; salutis verbū populis prædicando; tristibus & tentatis, tanquam pius animarum medicus, diuinæ consolationis solatium adhibendo; & recidiuantes, crebra exhortatione ad primi feruoris statum, præcibus & lamentis renocando.

2. Quia ergo multam misericordiam affecutus est à Domino, & hanc cum proximo impertiri studuit in vera charitate largiter & ubique; meritò potest cum sancto David cantare & dicere: *Ego autem si cui oliua fructificavi in domo Domini, speravi in misericordia Dei in aeternum.* Non enim incompassiuus & immisericors extitit, sicut malus ille seruus, qui omnibus sibi dimissis nō est misertus conserui sui; sed ab initio cōversionis suæ omne debitum in se peccantibus dimisit; pro detrahentibus sibi suppliciter orauit: paratus etiam ad satisfactionē prior venire, si quē offendisset; & cum omnibus pacem, salua veritatis defensione conseruare. Nec etiam abscondit pecuniam domini sui, sicut piger ille seruus, propriis commodis intentus; sed donum scientiæ ac talentū sibi traditum, ad lucrandas animas fideliter exposuit. Dignè ergo oliu fertili comparatur, qui oleum misericordiæ, quod à Deo percepit, in proximos suos pia erogatione transfudit. Præcipue tamen misericordiæ viscera, pauperibus clericis, viduis desolatis, & virginibus castitatem seruantibus ostendit, curam paternæ solitudinis eis impendens; atque omni quo potuit consolationis auxilio, necessitatibus egenorum per se & per alios studuit subuenire.

3. Comparatur quoq; non absurdè cedro sublimi, in altū protensæ; qui terrena cuncta spernendo, per contemplationem æternorum crevit in altum; atque per propriæ fragilitatis respectum, cor suum fixit in humilitatis profundo; factusque & tanto latior in summo, quanto angustior & depressior in mundo. Cùm enim esset tam multis scientijs præditus, & maximæ reputationis inter egregios sui temporis doctores, despexit tamē omnē culmen secularis honoris, & simplicium se conformauit moribus; vt si quis eum non cognouisset, vix attendisset aut salutasset. Bene etiā palmae florenti magister iste assimilatur, qua antiquitus victores pugilesque solebant coronari: quia multis laboribus & scripturarū documentis, velut armorū telis contra hæreticos, simoniacos, usurarios, proprietarios, focaristas, ac alia cōplura vitiorū monstra certauit, & vicit; dignus proinde æterne beatitudinis palma coronari, atque à fidelibus populis debita laudū veneratione cōmendari. Ecce iam verus Israëlitæ, & theologicæ veritatis deuotissimus prædicator & defensor;

Psalm. 51.

Matt. 18.

sor, qui sic Deum dilexit, ut proximū non negligeret: sic ad cælestia mentem erexit, ut necessitatibus aliorum non decesset: qui non tantum propriæ saluti intendit; sed multis prodesse, & secum ad perfectiorem vitam ducere satagebat.

4. Erat enim vultu hilaris, affatu benignus, mente tranquillus, habitu humilis, vietu sobrius, consilio sagax, iudicio discretus; rigidus contra vitia, feruidus ad virtutes; ocium fugitans, semper aliquid utilitatis pro ædificatione exercens; simplicitatem diligens, humilia sectans, cælestia meditans; interna penetrans; lectionibus & orationibus sedulò vacans; Deum semper præ oculis habens, iura Ecclesiæ sollicitè custodiens, atq; seculari bus bonū exemplū præbens; nūl terreni commodi ex prædicatione quærens; sed animarū lucra pensans, ac gratis sine ecclesiasticis sumptibus euangelizans. Quamuis ergo longeum vitā non duxit senio fessam, in breui tamen tempore multum fructū prædicatione sua protulit, & deuotissimos post se discipulos ac fratres in diversis locis reliquit, quos ipse primò nouæ lucis grātia, qua imbutus erat, fideliter instruxit & accendit.

C A P V T X V.

De deuotis congregationibus & monasteriis, ab eo exortis.

1. O ptimè autē æterna Patris sapientia supernaq; clementia prouidit, vt senescenti iam mundo, & ad deteriora vergēti, talis ac tantus magister tanquam cælestis legatus destinatur, lorica fidei indutus, & sanctitate virgē suffultus: per quem religio sacra refloreret, & deuotio Christiani populi, ad diuini cultus studium & obseruantia decalogi, frequenter eius sermonibus erudita incalcesceret, atque opera misericordie in pauperes exerceret. Non enim imperiti hominis opus esse videbatur, tot hominū malitiis posse resistere: & de profunda peccatorū caligine, pereunte animas ad veritatis lucē reuocare. Sed huic doctissimo viro & in multis experto, gratia diuina prædicandi tribuit facultatem, qui vitæ merito & doctrina cælesti plenissimè instructus, alios præcellebat; & contemptum mundi, non in humanæ sapientiæ verbis, sed sanctæ cōuersationis exemplis, suis auditoribus efficacius persuadebat. Tantusq; affectus audiendi verbum Dei in populo fuit, ut turbam conuenientē ecclesia vix caperet. Nam multi sua prandia relinquebāt; & negotia necessaria suspendentes, ad eius sermonem pia prorsus aviditate tracti concurrebant. Sæpe namq; duos sermones uno die prædicauit, & quandoq; spiritu fervoris concepto, tribus horis aut amplius sermonem continebāt. Prædicauit autem in principalioribus